



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLIII. ad annum DLXXVII.

Parisiis, 1644

Provincia Galliae.

urn:nbn:de:hbz:466:1-15324

PROVINCIA GALLIÆ.

ANNO
CHRISTI
569.

1. Narbona. Narbonensis prouincia, Bracata ante dicta, qui Celtæ sunt. Hodie *Languedoc, Prouence, & Dauphiné* continet. Dicebatur postea & Gothica, quia a Gothis possessa; sub Hispanorum erat ditio, & sub primatu Toletano.

2. Caucoliberi, seu Caucoliberis, Hispaniæ versus Galliam limes. Hodie *Colibre*. Episcopum non habet, verum attributa est Alnensi episcopo. In subscriptionibus Conciliorum pro Caucoliberi ponitur Liberitanus. Est alia Eliberis in Bætica, nomine & situ longe ab hac distans, ut ostendimus in Concilio Eliberitano.

3. Carcaffona. Olim Carcaffum, aut Carcaffio, Galliæ Narbonensis opidum apud Plinium. Hodie *Carcaffone*. Episcopum habet.

4. Biterris, siue Bituris, Vasconum vrbs.

5. Agatha Galliæ Narbonensis insula & vrbs est, ut placet Plinio, Straboni, & Ptolemæo; nunc *Agde*: appellatur etiam ciuitas nigra. Sunt qui Agatham montem Pessulum esse volunt. Sed hæc in continente est; vbi Ptolemæus quoque Agatham habet.

6. Lutuuu. Inde Luteuani, qui & Foroneronenses. Plinio, Galliæ Narbonensis populi sunt. Hos Pinetus *Lodene* vertit in suo Plinio Gallico. In libro prouinciarum legitur: *Lutunienfium ciuitas, id est Lutana castrum*. In subscriptionibus Conciliorum, Luthonensis episcopus.

7. Magalona. In libro notitiarum est: *Magalonenfium ciuitas montis Pessulani*. olim sedes episcopalis, nunc domus tantum cum templo, in medijs stagnis sita, suffraganea Narbonensi archiepiscopo, ut ex multis subscriptionibus Conciliorum constat.

8. Nemaso, siue Nemasus. Apud Aufonium in descriptione Burgalæ Nemasus Colonia Augusta. Nemasus legit Goltzius ex veteri inscriptione. Hodie *Nismes*. Libellus extat de eius vrbs antiquitatibus idioma Gallico. In Concil. III. Toletano subscribit Nemasensis episcopus.

Elena. Hellenes vrbs Callaicorum in Hispania Tarraconensi. est apud Strabonem. Hodie *Elna*. Quam dicunt Helenam Constantini magni matrem, vel Constantem in honorem auic condidisse. Vbi etiam mortuus est Constans, ut post D. Hieronymum scribunt Eutropius & Orosius. Dignitatem episcopalem retinet, Tarraconensi archiepiscopo suffraganea.

Atque hæc quidem de sedibus episcoporum antiquis delibauimus, ut nota sint nomina vrbiũ vetera & neoterica lectori, earumque situs; intelliganturque inscriptiones Conciliorum, & cui sedi primæ quisque episcopus subiacebat.

In Concilio Eliberitano aliæ veterum vrbiũ subscriptiones sunt, de quibus & hæc adiicienda duximus, propter Concilii illius antiquitatem.

Acci. Inde Felix Accitanus, qui subscribit. De hac vide quæ annotauimus.

ANNO
CHRISTI
569.

Corduba. Ex hac Osius ille Cordubensis. vide supra.

Spalis : supra.

Tucci, vrbs Turdulorum in Bætica, quam Plinius Augustam Gemellam cognominari ait. In veteri marmore est : Gemella Tuccitana, & Colonia Augusta Gemella. Est apud Plinium altera Tucci vetus in Bastitania, vergens ad mare : quibusdam est Almeria, aliis Murcia. vide quid dicat de ea Resendus.

Epagra. Inde Sanagius Epagrensis : forte hic episcopus fuit Græcus, & causa fidei relegatus. Nomen certe Sanagii Græcam originem sapere videtur. Epagris autem insula est Ægæi maris, prima inter Cycladas, teste Callimacho, qui eam Lasiam, Nonagriam, Hydruflam & Epagrin dictam affirmat. Hæc eadem Andros est. In alio codice est, Bigerrensis, & Bigertensis. Bigerra, est Bogarra hodie prope Alcaraz, in montibus Securæ. Ptolemæus eam ponit in Bastitanis : vnde non est Beiar quæ est in Lusitania, aut Vettonia.

Castulo : supra. Hinc Secundinus Castulonensis.

Mentesa : supra. Hinc Pardus Mentefanus.

Eliberis : supra. Hinc Flavius Eliberitanus.

Corfica siue Corfis. Inde Conantius Corficanus : maris mediterranei insula, Genuensibus hodie parens. Therapne ab Ouidio appellatur. In alio codice manuscripto, Vrcitanus. De Vrci diximus supra.

Legio. Inde Decentius Legionensis. Hæc est legio septima Germanica siue Gemina. In Tarraconensi Hispania iuxta Astures a Ptolemæo ponitur. Hodie *Leon*, caput regni, & dignitate episcopali celebris a temporibus Gothorum : tantum apostolicæ sedi subiecta, & metropolitanum nullum Hispaniæ episcopum agnoscens.

Vide quid scribat Vassæus de legione VII. Germanica vel Gemina, ex sententia sua & Resendii Lusitani, tom. post. chron.

Toletum. Inde Melanthius Toletanus supra.

Salaria. Inde Ianuarius episcopus de Salaria : colonia in Tarraconensi Hispania : vnde in veteri inscriptione. COL. IVL. SALARIENSIS : nunc prope Cazoram. Est & alia Salaria in Oretanis.

Ossonoba. Inde Vincentius Ossonobensis. De ea supra.

Elbora, vel Ebor. Inde Quintianus Elborensis supra.

Eliocrota : in Antonino manuscripto est Eliocrota. Inde Successus episcopus de Eliocrota. fuit olim sedes episcopalis : dicitur nunc *Lorca*. Habuit templum D. Patricio dicatum, in quo erat episcopalis cathedra, quæ in Carthaginensem abiit. Meminit Eliocrotæ Antoninus, & xxv. millia passuum a Carthagine Spartaria ponit.

Basta. Inde Eutyichianus Bastitanus episcopus : de qua supra.

Malaca. Inde Patricius Malacitanus. De hac supra.

In monasterio Parassés, in quo antiquitus vita canonicorum regularium sancte floruit, nunc obseruantia D. Hieronymi, dum Philippus II. ibi moratur, incidi in librum manuscriptum in pelle pergaminea, in quo scriptum est.